

Landesbibliothek Oldenburg

Digitalisierung von Drucken

Jonstoni Historia Naturalis

Ioannis Ionstoni|| Theatrvm|| Vniversale|| De Avibvs

Jonston, Jan

Heilbrunna, MDCCLVI.

VD18 90528921

Illustration: Tab. XI. Lanius alius, Warckengel; Lanius Collario; Lanius Miluus; Cuculus Guggauch, Kukkuck; Buteo Triorches, Bushart Busant; Accipiter minor; Miluus Weye; Accipiter maior.

urn:nbn:de:gbv:45:1-11068

Lanius.
alius. War-Kengel.



Lanius Collurio.

Taf. XI



Lanius *Mihus.*



Cuculus. Guggauch.
Kikkück.



Buteo. Friorches
Bushart, Busant.



Accipiter *minor.*



Mihus. Weije.



Accipiter maior.





rius sub oculis utrimque per gulam in longum protenditur. *Palpebrae* sunt subluteae. Plumae menti et gulae totae albae et color ille continuus ad ceruicis et uerticis per tempora initium, quod minori oculorum cantho ex opposito est, perducitur. Pectoris totius plumae nec non et uentris medio macula fusca oblonga notatae in oris albicant. In pedum *planta* tubercula ueluti calli ubique eminent. In nemoribus celsis et densis degit et homines, quos perdicum uel coturnicum uenationi operam dare conspexit, ipsi insequi solemne est, ut auiculas canum metu subuolantes adripiat. Sed haec de istis sufficiunt, quid uero *h* Aristoteles per pernem, percum, rubetarium et leuem intelligat, disquiratur. *Per-nos* apud Hesychium et Phaurionum genus uenatorii est accipitris, ultra ignoratur. *Percus* seu per-

cuus idem cum fringillario propter alarum nigritiem esse uidetur. Aristoteles per fringillarium nifum foeminam, per percum marem uulgo maschettum dictum forte intellexit. *Leuis* quis sit, ignoratur. Bellonius smerillum esse existimat. *Rubetarius* uel idem est cum leui, quia de utroque Aristoteles. Abunde uiuunt et humiuolae sunt uel milui species. Qui SACER AEGYPTIVS Bellonio dicitur, corporis magnitudine coruum refert, capite miluum, colore ad falconem sacrum accedit. In Aegypto est frequentior, quam ulla alia auis, quae rapto uiuit. Rara in Syria conspicitur, sed et in Caramania aliquando. Serpentibus potissimum uestitur. Vnde ei olim apud incolas tanta reuerentia, ut illius uel per imprudentiam occisor morte mulctaretur, ipsa mortua honorifice sepeliretur.

Herodor. in Enter-pe.

ARTICVLVS IV.

De Lanariis et Collurionibus.

De lanariorum ignobili genere buteonibus rectius adnumerando hic res est, de nobili inter falcones agemus. *Nomen* ipsi seu a laniandis auibus seu, quod plumas lanarum instar molles habeat. Aliquando lanius molliceps, falco albus, degener et buteo albus dicitur.

Nomen.

n Aldrouand. l. 5. c. 11. Aldrouandus *n* duplicem iconem exhibet. Prior accipitri palumbario magnitudine par, uertice erat lato, capite et collo crassis, omnibus, uti et uentre tota parte prona, femoribus, uropygio et cauda inferna. Inter oculi canthum maiorem et rostrum maculam habebat nigram, alas oblongas longe ultra uropygium protensas, *tibias* luteas et pro reliqui corporis portione ualde graciles, easdem a poplite ad ungues paulo plus palmo longas et culmo triticeo uix crassiores. Vngiculos uncos, sed tenues. *Alteri* lingua erat lutea et nigra. *Caput* et dorsum cum leu-

cophaeo fuscum, pectus totum leucophaeum ad anum usque maculis in longum ferrugineis distinctum. Alarum remigia ex sex ordinibus ratione coloris constare uidebantur. Uropygium totum candicabat. *Pedes* habebat luteos, femora plumis ad poplites usque uestita. Tibias erectas et instar stipitum. Vngues longos et admodum recuruos.

Vidum ex muribus in agris quaerit, sed et auium pullos in nido uel, cum per terram uolandi impotentes reptant, rapit.

Albert. l. 22. de Animal. c. 15.

COLLVRIONES de minore sunt lanariorum genere illique uel maiores uel minores. Ex maioribus, qui Aeliano merulae uenaticae, foemina est turdi mediocri magnitudine, e longinquo contemplanti tota cinerea. Capite ad reliqui corporis proportionem triplo maiore. *Rostrum* habet parte superiore ualde inflexum, inferiore fursum modice curuatum. *Lingua* in extremo multifidam et

Differen-tiae.

in